

quàm autem per sextiduum circiter ollis referta fuere, easdem aperiunt, foliorumque delectum, minora & teneriora à majoribus & durioribus separando, faciunt, ultimâque vice in quintâ patellâ, securitatis ergò, siccant, in annos tunc durabilia, si accuratè obturata teneantur. His exami- nibus veritate comprobatis sequentia supplemento serviant.

Enimverò non levis est culturæ ac præparatio- nis differentia ; quem etenim agricolæ suo lin- quunt genio fruticem, solo eradicato Zizanio, ne suffocetur, hunc summâ curâ studioque colunt illi, qui ex professo pro Magnatibus ac opulentis quibusdam civibus *T'chia* accurant & legunt: Ita propè *Miako* urbem locus est, *Ousi* appellatus, totius Iaponiæ in hoc opere princeps, ubi pro Im- peratore, Regibus Majorumque gentium Dyna- stis *T'chia* colitur præparaturque : Ubi excul- tissimæ terræ concrediti frutices à nimiâ pluviâ vel intenso ardore frigoreve, cæterisque aëris in- juriis, ac pravis purgamentis, volatilibus reptili- busve insectis, studiosè præmuniuntur, justo ri- gantur tempore, ac reliqua circumspectæ culturæ adminicula iisdem adhibentur : Ubi congruâ tempestate scrupulosa foliorum fit electio ; teneri- rimi fruticum ramusculi primævis in apice foliis nudantur, quæ eapropter carissima potentiori- bus reservantur emptoribus ; hæc autem à me- diocribus, hæc iterum à majusculis, hornotinis tamen singulis, segregantur. Ruricolæ verò si- ne discrimine, quævis, horna nihilominus, folia mixtim colligunt, collecta foli exponunt, (ante- dicti in umbrâ siccant) manibus comprimunt, te-

*Cultura ac
præparationis
differentia.*

*Plebejorum
decoctio.*

*Potentum de-
coctio.*

Instrumenta.

runt, fricant, & in argillaceis patellis, si careant ferreis, suprâ relatâ methodo ac ordine super ignem torrent, donec exsiccata ac indurata crispentur. Hæc autem, nisi coemptoribus divenerint, (hi enim in varias species eadem dividunt) promiscuè in æneo cacabo aquâ repleto, lento coqvunt igne, & sic toto die pro communi potu in foco suspensum fervant; donec iteratis tincturis folia illa debilitata rejiciantur, ingestis protinùs novis. Primates autem & locupletiores cives quidam nullum in re domesticâ opus majore diligentia, fastu, nitore, atq; artificio (quippe in peculiarem jam penè artem illis conversa est *T'chia* dispensatio) curant, quàm sui *T'chia* præparationem; Quandoquidem qui in cæteris parcissimæ sunt supellectilis, copioso ac superbo instrumentorum famulorumque apparatu impensè, immò ad superstitionem usque, gestiunt.

Instrumenta autem (quæ in Magnatum ædibus ac spectatoribus quibusdam diversoriis ad pompam prostituuntur) sunt hæc; Ex electo ophitide conflatâ *mola* (quali nostrates semen sinapi conterunt) quâ suum *T'chia* in tenuem pollinem commolunt: prætereà *fornacula*, ex mixto cum aliis metallis ære artificiosè fusa, cui aquâ plenam *cucumam*, ex eadem materiâ confectam, superponunt, ut semper præstò sit lympa fervens: Hinc exiguis *cochlearibus* (ex testudineo cornu aliove pretioso ligno vel etiam metallis fabrefactis) viridem illum ac benè fragrantem pulverem *T'chia* *calicibus* suis (qui deformi formositate illis placent; quò enim magis distorti ac inæquales sunt, eò meliores censentur: ex vicinâ autem Coreâ

in

in Japoniam deferuntur, qui cùm propter loci distantiam, tùm ob argillæ raritatem, magno constant, majore, si simul vetusti) infundunt, ac superfusâ cum mundato *haustro* infundibulove aquâ fervidâ pulverem hunc minutulis, ex arundine Indicâ crenarum formâ artificiosè concisis, *setis* tamdiu quassant, donec in spumam potio illa elevetur. Porro *famulos* nutriunt ditiores incolæ, alios qui *T'chia* decoquunt, alios qui calices amicis hospitibus deferunt, benè vestiti nitidèque comti; quod in Primorum Oeconomiam peculiare munus est; ubi decoctor *T'chia* veluti Doctor Medicus gentilitio ritu detonsâ planè comâ à reliquis discernitur. Sinenses autem (quorum methodum nostrates sequuntur) fervefactam in cupreo cacabo aquam siccis integrisque foliis *Thee*, singulari ollæ priùs injectis superfundunt, tincturamque extrahunt, quam limpidâ aquâ ad gratam amaritudinem temperatam calidè sorbent, saccharumque ut plurimum unâ mastlicant, uti & nostrates, rariùs autem Japonenses, tametsi *γλυκύφιλοι*: Hæc secundâ vice repetita tinctura (minùs tamen efficaci, cùm præstantiores seu volatiliores partes primâ tincturâ maximam partem extractæ sint, vel in auras abierint) etiamnum valet, quâ absolutâ ut plurimum rejiciuntur folia, quæ mare vastum peragrantibus, addito sale, oleo ac aceto, acetariorum vices, melioris defectu, supplere possunt: Japonenses autem iisdem foliis rubentes papulas ac cutanea sudamina curant, atque in tinctoriâ arte eadem (vetusta licet) usurpant Mauri &c.

Famuli.

Fru-

XIV WILH. ten RHYNE, EXCERPTA

Locus natalis. Fruticis hujus natale solum varium est in Japonia, uti in Diario meo ad metropolim *Fedo* speciatim recensui; plurimus tamen in regione *Fisien* crescit: Humo gaudet neque arenosâ neque lutosâ nimis, neque declivi, neque acclivi nimis, apricâ & temperatâ planitie lætior: Multis autem in locis inter ipsa frumenta in pulvillorum liris (in pulvillos enim discescunt agros suos Japones, ut tantò commodiùs stercoreare, ac inutile gramen decerpere queant, tum ut stagnans in liris aqua frumenti radices vicissim blandiùsque alat) frutices *Theè* confitos intuearis.

Pretium. De pretio certi nihil determinari potest, incredibiliter enim variat; illud saltem in genere verum est, pro foliorum magnitudine pretium augeri vel minui, *quantùm namque magnitudine sursum decrescunt, tantùm pretio accrescunt*; ut appositè animadvertit *Excell: Piso*: Præcipua quippe foliorum differentia est inter majuscula, horna tamen, minora ac minima, recentia ac vetusta, dura ac mollia. Singulares autem sunt in *Miako* emporio mercatores, quorû jussu & sumptu pro Magnatibus folia hæc colliguntur ac eliguntur: Ubi proprium habet *T'chia* mercatorè Imperator, alios habent reliqui Reges atque Dynastæ. Ab exteris verò tantùm exigunt furunculi Japones, quantum redimere valent: Tanta etenim est pretii discrepantia, ut una libra hujus *T'chia* pluris nonnunquam veneat quàm centum libræ alterius: Namque sunt quædam folia dura, quæ non potui, sed tinctoriæ arti serviunt.

Foliorum præstantia. Foliorum verò bonitas in gratâ fragrantia (proximè autem ad fæni recentis odorem, tantisper

tisper aromaticum, accedit) colore viridi (nam parum masticata frictaque ubi fuerint, viror vividus emicare debet) sapore subamarè dulci.

Vires autem has tribuunt decoctioni *Thee* Sinenfes, quas ex eorum scriptis excerptas translataeque, parum à me immutatas & ubi necesse auctas parum, minimè tanquam infallibiles, propino: Consulat experientiae fidem Lector, & si singulos effectus non comprobet, nunquam faltem, modò crumena non doleat, frequentioris usus panitebit; Sanguinem igitur purificat, horrenda pellit infomnia, vapores à cerebro arcet malignos, vertiginem capitisque dolorem (praesertim à crapula ortum) mitigat, hydropicis conducit, egregiè enim diuretica est; capitis rheumata exsiccat, humorum acrimoniam corrigit, obstructions viscerum tollit, visum instaurat; quippe, quantum ego existimo, hæc decoctio *T'chia* primarium Japonibus est antidoton contra visus imbecillitatem ac oculorum vitia, illis frequentissima, ac ex assiduo orizæ calidæ & sui *Sacqui* potu & usu (de quibus aliàs prolixius) maximè contracta: adustos humores temperat, calidum emendat jecur, induratum lenit lienem; somnum coërcet, in iis praesertim qui rariùs *Thee* bibunt: Cujus rationes explicat Consultissimus Tulpius (maximo Reip. nostræ, Patriæ Urbis ac eruditi Orbis damno summoque meo luctu nuper fati functus immortalis nominis Senex) loco citando, à quo parum discrepat Clarissimus Piso in commentar. ad Bontium. Corpora porrò reddit vegeta, inprimis autem hebetiores à somno ac torpore sensus expergefascit:

Vires.

cit; cor exhilarat, timoremque propulsat; intestinorum tormina ac flatu compefcit, illosque qui uterum infestant, discutit; viscera viresque roborat, reminiscendi vim exfufcit, ingenium acuit, bilem temperat; nephritidem tollit medicamen hoc lithontripticum; ego faltem nunquam in Japonibus vel minimum calculi, five renum five veficæ, indicium reperi, fat fedulò licet inquisiverim; ac tandem dulces in amplexus vertit officium thori.

Tulpius. Scriptorum de hoc frutice conniventiam, nisi fit gravis, culpæ eorum vetat gravitas: Succinctè ac doctè de herbâ *Thee* (frutice, vellem dixisse) Ampliffimus *D. Tulpius lib. 4. observ. ultimâ*; ubi foliorum *T'chia* (sic quidem rectè juxta Japonum idioma) formam accuratè describit, cui tamen addi posset foliorum spiffitudo, viror, lævor atque nitela, ad instar lauri: appositè idem de ejusdem viribus ac utendi ratione (Sinensium methodo, nunc passim notâ) in quâ ubi perperam edoctus fuerit religiosiffimæ veritatis author (quem sinè summâ observantiâ nominare nequeo) videre est suprâ; Descriptionis autem defectum authorum fertili allegatione compenfât.

Bontius. Hæfitantius de eâdem disputat *Bontius lib. 6. cap. 1.* cui præter Garciam ab Orta in historiâ rerum naturalium Orientalis Indiæ hætenus primæ debentur, qui *foliis Consolidæ* (cujus quæfio?) prævaricanter hæc folia adffimilat, nisi forsan Prunellam indigitet, quam minorem Consolidam vocat Matthiolus, & tum in ffingulis cum eâdem non congruunt folia hæc.

Fufius

Fusiùs eandem depingit Commentator ejus
 Celeberrimus *D. Pifo*: Fallitur autem author in-
 signis, dum dicit, Japonum *T'chia* ob majorem fo-
 liorum contritionem & coctionem nigrum *Thee* appellari:
 Namque Japonum *T'chia* ac Sinarum *Thee* commu-
 nia sunt nomina, quibus optima æquè ac vilissima
 folia significantur; nigrum autem *Thee* nunquam
 saltem ego, vidi; verū vilioris *T'chia* decoctio,
 quò peior est, eò majorem flavedinem contrahit
 magisve rufescit. *Albicantibus* equidem, sed non
perpetuis floribus ramusculi hujus *Fruticis* ornatè vesti-
 untur; quoniam à medio circiter septimi (qui jux-
 ta nostrum Augustum est) ad aliquam partem octa-
 vi Japonensium mensis flores emittit hic frutex,
 qui tùm decidui seminalia capitula relinqvunt.
Quinariam exactè foliorum in unoquoque frutice diffe-
rentiam ego saltem observare nequivi. Seminalia
 autem illa capitula (sic malim vocare, utpotè
 plurium seminum receptacula) *rotunda* non ad
novas, sed ad *plantas producendas* mesfi aptas, *trien-*
nio indigent. Quòd autem in *Europæis regionibus quæ-*
dam sanitatis incommoda æquè efficaciter non arceat potus
ille Thee, quàm apud Sinas vel Japones, non *præ-*
parandi utendive modo adeò imputandum censeo,
 quàm quidem assiduitati usùs & temperatiori
 victùs rationi. Tandem in enucleandis viribus
 emphaticà hyperbole utitur ingeniosus & clari
 nominis decorisque author, cujus de hoc fruti-
 ce statumina laudem simul ac trutinam meren-
 tur. Expressa autem fruticis imago mihi
 in singulis non perplacet.

Pifo.

* *
 *

C 2

FA-

FASCICULUS
RARIORUM
PLANTARUM,

à
DN. D. WILHELMO ten RHYNE

in

Promontorio Bonæ Spei, & Saldanhæ
Sinûs conterminis locis

Anno M. DC. LXXIII.

collectarum,

atq; demum

ex INDIA Anno M. DC. LXXVII.

in EUROPAM

Ad

JACOBUM BREYNIUM

GEDANENSEM,

transmissarum.

* *
*

TAndem quoque *Plantarum*, quibus siccis pau-
cos ante menses à *Nobilissimo* sæpiùs memo-
rato *Domino Doctore ten Rhyne*, Summo Amico meo
ex Indiâ donatus sum, mentionem facere haud
negligam: Et iis quidem ut plurimùm nominibus,
quibus à me sunt insignitæ; quanquàm plurimæ
non ex genuinâ earum tesserâ, (quippe quâ care-
bant:) sed juxta id, quod in illis maximè notabile
atque conspicuum fuit. Certâ spe fretus, quo-
vis illud tempore Peritos Artis debitâ cum ani-
mi moderatione consideraturos.

Absin-

A.

- Absinthio Seriphio similis Capitis Bonæ Spei.*
 * *Absinthium tenuifolium odoratissimum Monomotapense*: in Centuriâ primâ descriptum.
Alcea minor Africana, Althææ facie, flore purpureo parvo.
 * *Amygdalus Æthiopica fructu holoserico*: in Centuriâ I. descripta.
Arbor rosea prima, sive Arbutifolio, flore flavo, D. Wilhelmi ten Rhyne.
Arbor rosea secunda, sive Styracis folio, D. Wilhelmi ten Rhyne.
Asphodelus major ramosus Capitis Bonæ Spei.

B.

- Bellis Eruçæ folio incana, Capitis Bonæ Spei.*
Buglossum Africanum, Echii folio.

C.

- Camphoratæ similis, longiùs radicata.*
Camphoratæ similis altera, magis hirsuta.
Chamægenista Capitis Bonæ Spei.
Chenopodæ similis, planta mirabilis Africana, Echini Alpini facie, sed minimè spinosa.
Chrysanthemum Africanum pumilum, foliis Absinthii alpini umbelliferi minoris.
Chrysocome Africana, flore albo, angustissimis foliis: è Radice hujus, Virgæ exeunt multæ, pedales, nonnunquàm ampliores, lignosæ, firmæ, in multos ramos tomento albo candicantes diductæ; & ab imo ad summum Foliolis crebris ac angustissimis, Stœchadis citrinæ Italicæ Herbariorum dimidiò brevioribus, densè stipatæ. Summos verò ramulos corymbi occupant admodum elegantes, Gnaphalii Americani à Clusio descripti floribus valdè accedentes, sed quadru-

druplò minores, è candidulis infra aliquando rufescentibus ita compositi squamulis, ut umbonem in medio comprehensum, duplici & triplici serie notabiliter circumradient. Unde hæc *Planta*, aliis forsan *Asteri* potiùs videri posset accensenda. Verùm hujusmodi minutias non æstimamus, multò minùs Naturæ figemus legem, quin in his potiùs eidem nos accommodabimus. *Semen* minùs pappescens, *Chrysofomes* vulgaris seminibus par.

In herbosis juxta Promontorium Bonæ Spei *Dn. ten Rhyne*, ut & duas sequentes collegit, mihi que cum singulari meo gaudio communicavit.

Chrysocome Africana, flore phæniceo angustifolia: *Planta* alba & penitùs tomentosa est, *Chrysocome* Germanicæ angustifoliæ flore ex aureo rutilante similis; nisi quòd *Folia* angustiora & breviora, eorumque ex alis ramulos complurimos, foliis minoribus vestitos promittat. *Flores* densissimè in glomerulum congesti, multò sunt minores, squamulis exilioribus minùsq; splendentibus ex ignescente phænicei coloris imbricati; quorum medium staminula quædam minutissima, in pappos *semine* appenso perquam pusillo, abeuntia occupant.

Chrysocome Africana, flore phæniceo, serratifolia: perraræ hujus *Plantulæ caules* etiam candicant, multò tamen infirmiores sunt, inque debiliores & longiores ramos divisi; *Foliis* paucioribus multòque brevioribus, latioribus, ferratis, nervosis, incanis quidem minùs tamen quàm superioris, *Euphrasiæ latifoliæ Italicæ Fabii Columnæ*
quo-

- quodammodò æmulantibus septi. *Flore & Semine* cum præcedente convenit.
- Chrysocome Impia, sive Filago dicta, Capitis Bonæ Spei prima, sive pumila.*
- Chrysocome Impia, sive Filago dicta, Capitis Bonæ Spei altera.*
- * *Colutea Æthiopica flore purpureo: in Centuriâ describitur.*
- Conyza Africana, foliis Stæchadis citrinæ Gallicæ: Suffrutex pedalis est vel altior, Elichryso XI. Caspary Bauhini similis, sed magis lignosus, Foliis pluribus Stæchadis citrinæ Gallicæ, sed angustioribus; Flore majore, cujus umbo petalis longis & angustis circumradiatur. Radix lignosa, multis fibris divaricata: Semen pappescens. In Africâ juxta Promontorium Bonæ Spei Excellentissimus D. ten Rhyne collegit.*
- Corruda spinis horrida Africana prima, sive Corruda tertia Clusii.*
- Corruda spinis horrida Africana secunda, sive foliis Asparagi Sylvestris.*
- Corruda spinis horrida Africana tertia, s. Hippuris facie.*
- * *Cupresso-pinulus, Capitis Bonæ Spei: hujus descriptionem in Centuriâ & Appendice dedimus.*
- Cyanus Centauroides fruticescens Lavandulæ folio Capitis Bonæ Spei: Frutex mihi videtur lignosus, quantum ex Ramis duobus à Dn. D. ten Rhyne in Promontorio Bonæ Spei collectis augurari licuit. Hi quadrati, lignosi nec non incani sunt, binis alternatim ramis, Foliola Lavandulæ haud dissimilia, sed breviora è regione habentibus, præditi: quorum summitatibus Capitula etiam ex adverso bina innata, haud crassa, pollicem transversum*

versum longa, latis incanarum squamularum & membranacearum scandulis, Caryophylli spicati *Aldini* calyculorum de more imbricata; staminulis referta Serratulæ similibus, quorum color me latet. Semen magnum, oblongum, pilis molliusculis argenteo colore splendentibus hirsutum; longissimisquè in modum *Stœbes Rosmarini* folio *Ponæ*, sed ad phœniccum tendentibus coronatum.

Cynoglossum Africanum Myrtifolium.

Cynosorchis Capitis Bonæ Spei.

E.

Elichryson minus Africanum, flore aureo.

**Equisetum junceum nigrinodum, Capitis Bonæ Spei: quod in Centuriâ I. describitur.*

Erica Coris folio Æthiopica, flore purpureo tetrapetalo.

Erica Serpilli folio Æthiopica, flore purpureo pulchro.

Evonymus Africanus, foliis Laurinis, fructu aculeato: affinitatem quandam cum Lauro sylvestri Creticâ Alpini præterevidetur; fructibus excepto, qui Betæ Creticæ instar in aculeos, in latera reflexos abeunt.

Eupatorio affinis Suffrutex ericoïdes capitatus, Coris seu Juniperi folio Capitis Bonæ Spei.

F.

**Frutex Æthiopicus baccifer, foliis Myrtilli: in Centuriâ I. descriptus.*

Frutex Æthiopicus, foliis Alaterni.

Frutex Æthiopicus Myrtiformis, Dn. ten Rhyne.

Frutex Æthiopicus, Vitis Idææ primæ Clusii foliis.

Frutex Africanus, foliis Buxi.

Frutex Africanus, Fruticis terribilis Narbonensium folio, capitulis oblongis squamosis.

Fru-

Frutex anonymos, foliis Lauri tini minoris.

Frutex cineraceus muscosus, Capitis Bonæ Spei: in Centuriâ I. additâ accuratissimâ figurâ descriptus.

Frutex corymbiferus Africanus, Chrysanthemuli ericoïdis facie, floribus Globulariæ: Frutex est lignosus, ramis compluribus, cortice ex obsoleto purpurascente fusci coloris tectis; quorum juniores Chrysanthemuli ericoïdis (in Centuriâ primâ capite LXXXII. descripti) adeò similes, iisdemque stipati foliis, ut non facilè ab eò distinguï possint. Flores ramulorum extremitates lutei occupant, Tanaceti instar florum quasi in umbellam dispositi, orbiculares omninò, Globulariæ seu Aphyllantidis Herbariorum perbellè referentes, minores quidem & ex tubulis minutissimis quinquepartitis densè admodum conflati, sedem suam minutissimo in Fructu fixam tenentibus: quem propter immaturitatem exilitatemque fortuna examinare mihi non concessit; an veluti Cupresso-pinuli feminum pericarpia concavus & semine refertus; aut an ipse Semen illud? Quicquid verò sit, sive fructus, sive semen, certo certius, illud eodem penè, quo Absinthii semen modo teneræ involutum lanugini observatur.

Frutex foliis Chamægenistæ Creticæ.

Frutex leguminosus Myrtifolius, siliquâ hirsutâ, Anonidis montanæ præcoci, purpureæ frutescentis (à Domino D. Morison descriptæ) facie.

Fucus carnosus coralloïdes, Capitis Bonæ Spei.

G.

Geranium Malvæ folio odoratum, flore purpureo, Capitis Bonæ Spei, Domini ten Rhyne.

D

Gera-

Geranium Myrrhidis folio, Æthiopicum parvum.

Geranium noctu olens Æthiopicum, foliis Myrrhidis angustioribus minus hirsutis;

Geranium noctu olens Æthiopicum lanuginosum, foliis Myrrhidis latioribus minusque laciniatis, flore rubro vel purpureo pereleganti.

Genista aspalathoides polyanthos major, Capitis Bonæ Spei.

**Genista ericoïdes Africana, sive Genista-spartium cœruleum Capitis Bonæ Spei, in Centuriâ I. descripta.*

Genistæ affinis Africana, flore cœruleo, alatis & punctatis foliis asperiusculis.

Gladiolus flore pendulo.

Gladiolus major latifolius, flore rubro maximo, Capitis Bonæ Spei. An Gladiolus maximus Promontorii Bonæ Spei, flore rubro incarnato, Swertii?

Gladiolus major ramosus, flore cœruleo amplo.

Gladiolus medius flore majore.

Gladiolus minor gramineus, flore parvo cœruleo.

Gladiolus minor gramineus, flore parvo pulchro variegato.

Gladioli species aliæ, Capitis Bonæ Spei.

Gramen triglochin bulbosum Monomotapense.

H.

Hyacinthi & Cotyledonis faciem mediam obtinens Planta Africana, floribus luteis longissimis atque striatis: sub nomine Gladioli Imperialis, ab Excellentissimo D. ten Rhyne tam resiccata, quàm depicta nobis transmissa.

L.

Lamella radices Palmitis, Capitis Bonæ Spei, Dn. ten Rhyne.

M.

Marrubium album minus Africanum, calyculis amplis.

Monorchis Capitis Bonæ Spei.

O.

Olus atrum Africanum.

Ornithogalum umbellatum maximum, Capitis Bonæ Spei.

P.

Perfoliato angustifolio montano Columnæ similis Planta umbellifera nova, fructu triplici membranaceo, C. Bon. Sp.

Pimpinella maxima Africana flore purpureo, D. ten Rhyne.

Planta Corios folio Africana.

Planta frutescens Africana perrara, foliis Peucedani, floribus conglomeratis Herbae Castæ Americanæ nonnihil similibus.

Planta foliis Rusci minoribus, Capitis Bonæ Spei.

Planta sub nomine Thymbræ Africana, folio spinoso, in Actis Medicis & Philosophicis Hafniensibus depicta.

S.

Sanamunda Africana prima, sive foliis angustissimis candidantibus.

Sanamunda Africana 2, s. foliis Serpilli minoribus asperiusculis, capitulis Thymi.

Sanamunda Africana 3, s. foliis Serpilli majoribus incanis.

Sanamunda Africana 4, s. foliis glabris acutis.

Sanamunda Africana 5, s. ericoïdes major.

Sanamunda Africana 6, s. ericoïdes minor, ramulis admodum lanuginosis.

**Sanamundæ tertiæ Clusii affinis, foliis Polii, Capitis Bonæ Spei: in Centuriâ I. describitur.*

Solanum spinosum arborescens, Capitis Bonæ Spei.

Stæchadi Arabicæ similis, Capitis Bonæ Spei.

T.

Thymelæa Æthiopica, foliis Passerinæ, minor.

V.

Virga aurea Africana, foliis Ericæ bacciferæ.

Virga aurea Africana, foliis Linariæ minoribus.

Atque HÆC etiam

ad

DEI GLORIAM

dicta sint.

•••(•)•••

ERRATA.

IN DEDICATIONE: *paginâ 9. l. 20. 21. lege quantam.*

IN CENTURIA PRIMA: *paginâ 3. lineâ 20. lege quâ. p. 9. l. 9. pythme-
ne. p. 9. l. 25. ab avibus. p. 11. l. 19. parte. p. 13. l. 8. quâ. p. 14. l. 14. ipsarum. p. 15.
l. 20. cæsâ. p. 24. l. penult. Abrotani. p. 30. l. 9. subhirsutorum. ibidem l. 27. Ar-
boris dormientis, Theophrasti. p. 33. l. 13. hæc. p. 39. l. 21. spinosa. p. 40.
l. 20. Æschynomenes secundæ. p. 41. l. 2. rum. ibidem. l. 9. quâ. p. 42. l.
19. dictavi. p. 43. l. 7. CAP. XIX. p. 45. l. 5. in Arbusculam pulchram.
ibidem. l. 31. 32. ubi è Semine ex Insulâ Madagascar allato. p. 47. l. 21. Si-
liqua. p. 49. l. 25. scribat. p. 53. l. 13. papilionacei. ibidem. l. 25. prætereâ.
p. 54. l. 31. examinentur. p. 59. l. 17. superioribus. ibidem. l. 33. ellipfin.
p. 63. l. 28. & alibi passim. Sevenhuysen. ibidem antepenult. Americani. p. 65.
l. 2. quâ Æschynomene spinosa. ibidem penult. Adolphi. p. 66. l. 12.
Æschynomenes spinosæ. p. 78. l. 10. proximos. ibidem. l. 23. quâ. p.
79. l. 3. 21. polyceration. p. 79. l. 10. pro unâ eâdemque. p. 80. l. 18.
polyceratii. p. 85. l. 21. phœnicea. p. 86. l. 23. Ea enim Radix hujus est
naturæ. p. 93. l. 27. floribus. p. 94. l. 19. quod. p. 95. l. 7. Quod si. p.
97. l. 22. quodsi. p. 98. l. 28. Strateumaticas. p. 99. l. 4. quod. p. 101. l.
5. Cap. XLV. p. 104. l. antepenult. Saxifragam. p. 111. l. 9. anni quarti
& quinti. ibidem. l. 25. post equalibus adde: sed brevioribus, crassioribus,
in superiore latere magis splendentibus, inferiore verò (juniorum præ-
sertim foliorum) leniter hirsutis. p. 113. l. 27. ne. p. 116. l. 11. Papayæ.
p. 117. l. 4. in caule. p. 118. l. 21. 26. Lathyridis. ibidem. l. 30. Pineis nu-
cleis Malucanis. p. 122. l. 23. 24. rubentibus. p. 128. l. 19. Hic. p. 129. l.
3. ante calidiusculam pluviam. p. 133. l. 23. quod. p. 135. l. 23. 24. M.
DC. LVII. p. 138. l. 28. saturâ. ibidem. l. 22. ante. p. 139. l. 8. floruit illu-
stratâ. p. 149. l. 20. simplici æquales. ibidem. l. 24. exaceretur. p. 150. l.
27. universum. p. 151. l. 2. sunt ejus. ibid. l. 3. sententiam suam. ibid. l.
11. è contrario. ibid. l. 25. Dioscoridem. ibidem. l. 27. 28. produntur. p.
155. l. 4. videatur. p. 158. l. 19. Astere. ibidem. l. 23. è contrario. ibidem.
l. ult. notabiles. p. 159. l. 29. loco. p. 160. l. 11. Asteres. ibidem. l. 28. quâ. p.
161. l. ult. eâdem. p. 162. l. 6. quâ. p. 164. l. 23. duabus. ibidem. l. penult. exce-
pto. p. 167. l. 11. distributæ. p. 169. l. 21. ultra. p. 177. l. 19. intellexero.
ibidem. l. 31. Tabularis. p. 178. l. 2. Tabularis. p. 181. l. 30. paralii. p. 182.
l. 22. Anni quarti & quinti. p. 185. l. 2. Rariorum. p. 187. l. 14. insigni-
ter. p. 189. l. 3. obtusum. p. 193. l. 21. quâ.*

Præter ea lege in quibusdam Exemplaribus: *Paginâ 10. Lineâ 29. Fo-
liis. p. 11. l. 7. foliolorum. p. 16. l. 6. 7. provenientem. p. 20. l. 6. Kali, sive
Vermicularibus marinis. ibidem. l. 16. facie. p. 23. l. 15. arctisimè. p. 24.
l. 19. hic. p. 28. l. 5. compressæ.*

IN APPENDICE: *Paginâ 1 v. lineâ 5. propinqua est. p. vi. l. 24.
Verùm. ibidem. l. 26. ubi postmodùm.*

IN EXCELLENTISSIMI DN. D. WILHELMI ten RHYNE EX-
CERPTIS &c. *Paginâ 1 x. lineâ 3. Japonicis Physicis. ibidem. l. antepenult.
benignæ. p. x i i. l. 23. conflata mola.*

IN FASCICULO: *Paginâ x x i i. l. 21. 22. exceptis.*

Errata reliqua, commatum vel punctorum, accentuum quoque defectus
vel perversiones, Candido Lectori corrigenda remittuntur.

F I N I S.







